

佛說羅摩伽經

第二

百廿一
遊八

47991



Vertical text on the left side, possibly a title or description, including characters like '金剛' (Kongō) and '輪' (Rin).

Vertical text on the right side, possibly a title or description, including characters like '輪' (Rin) and '轉' (Ten).




佛說羅摩伽經卷第二

乞伏秦釋聖堅譯

四

爾時善財童子頭面敬禮師子奮迅比丘尼
足瞻仰諦觀辭退南行善財童子得大慧光
以照其心具足長養一切善根欲以教化諸
衆生故一心思惟諸法實相建立一切清淨
法水語言陀羅尼藏廣修受持一切法輪隨
羅尼成就思惟力爲衆生歸依大悲一切出
間之力方便觀察一切種智充滿法界速疾



思惟一切淨法願普觀察光明法門莊嚴十方諸通明力皆悉充滿一切法界究竟成滿諸菩薩行諸菩薩業滿足願力具諸神通漸漸遊行至險難國寶莊嚴城推問尊者婆須蜜多女今在何所其城中人作如是念我不聞此女有深智慧善攝諸根身心寂靜今此童子威儀庠序其心恬怕調伏諸根遠離放逸顛倒惑亂念慧現前視瞻詳審言音和雅不著形色正念思惟甚深法相遠離懈怠心如大海此非染欲顛倒之人無情欲想不沒欲泥不隨諸根超出魔界不爲一切諸魔所縛如此童子具諸功德何故爲色問此女爲

今此城中多有諸人乃至不聞此女人名何
況識者有一人言善哉善哉善男子汝於今
者必獲大利乃能問此尊者婆須蜜多如汝
問意必已先發阿耨多羅三藐三菩提心決
定爲於一切衆生必能永離婬怒癡箭不懷
淨想不著不淨普解一切諸縛著者善男子
今此尊者婆須蜜多在此城北歡喜園中莊
嚴樓閣止於其中尔時善財童子聞此語已
歡喜踊躍往詣其所住於門側叉手合掌瞻
察園內見彼宮宅廣博嚴淨十種寶牆周而
圍繞列植十行寶多羅樹十重寶軒其水清
淨具八功德盈滿其中優鉢羅華鉢頭摩華

拘勿頭華分陲利華開敷鮮榮弥覆水上底
布金沙寶岸嚴麗雜色光明充徧園林寶殿
樓閣清淨莊嚴綺窓香風怡悅衆心連錢半
月按飾羅網金剛力士瞋目奮杵衆寶師子
震尾哮吼壯士獸王列侍門側宮城四角有
明珠柱衆寶觀闕放種種光雨寶珠華積至
于膝淨瑠璃地如懸虛空有如意珠王映於
地下紫磨金渠流香色水黃金蓮華敷榮其
上從蓮華臺涌妙聲水演散法音流聞十方
金色芭蕉放大光明處處積寶猶如山崗沉
水香雲迴旋宛轉塗香末香徧熏宮城異類
衆鳥出和雅音張大寶帳垂衆金華摩尼寶

慧摩伽卷二

二

集宗

鈴衆寶廁填閭浮檀金以為羅網弥覆宮牆
燒百千萬億無價寶香烟芬馥充滿虛空
無量諸天列侍供養諸天妓樂不鼓自鳴衆
吉祥瓶盛如意珠從地踊出又雨無量天寶
華雲無量天寶香雲無量幢幡寶蓋雲無量
天衣纓絡雲無量妓樂天音聲雲如是種種
供養具雲一一皆放無量色光弥覆虛空照
十方界無量萬億金剛寶藏盈滿宮中一一
寶園雕文刻鏤光光相照映徹無礙復有無
量十種寶園以為圍繞珍妙莊嚴清淨無極
尊者婆須蜜多端正微妙色如華敷相好具
足身真金色不長不短不肥不瘦目睫紺色

如青蓮華鬚髮柔潤其色紺豔威儀齊整進
止庠序手足鮮澤千輻輪相六欲天后不得
為比聲踰梵音悉解衆語善知世間工巧伎
藝深達一切諸論根本及論義相皆悉究盡
善知字義善辯正智善巧方便如幻境界善
知菩薩方便法門善知菩薩方便法界具諸
相好纓絡嚴身摩尼寶冠放大光明心王明
珠以為華鬘本願眷屬皆悉圍繞功德成滿
不可沮壞具足無盡功德寶藏身出光明普
照一切饒益光采奕光快樂光開心光莊嚴
菩薩心道之光以此光明嚴淨一切衆生之
心遇斯光者得離五欲拔衆苦根令時善財

童子詣尊者婆須蜜多所叉手合掌白言大
聖我已先發阿耨多羅三藐三菩提心而未
知云何學菩薩行修菩薩道答言善男子我
惟知此一億離欲無垢具足莊嚴菩薩法門
善男子若天見我徧一切處天光瓔珞以自
嚴飾為天女形若人見我以上妙色清淨
慈心而自莊嚴為童女形非人見我現非
人女形端正殊妙徧非人處若有衆生來至
我所起婬怒癡無有是處惟得菩薩無受正
法恒為衆生說清淨解脫離苦法門聞我名
者得厭離觀速得成就功德三昧身心寂靜
無有障礙見我形者即得歡喜三昧聞我聲

者即得無量聲藏三昧聞我名者即得歸依
佛法僧寶即得諸佛刹普現色三昧若有衆
生與我同止者即得解脫光三昧若有衆生
諦觀我者即得寂靜莊嚴三昧若有見我頻
申欠坎者得壞散外道三昧若有衆生觀察
我者得一切諸佛境界光明三昧若有衆生
與我言者即得守護攝受一切衆生藏三昧
若有衆生為我搔癢者即得一切德集華藏
三昧若有衆生親近我者即得一億無染離
欲莊嚴菩薩無著無極明淨一切智境界法
門善財童子白言大聖昔於何所修何功德
種何善根有何等業得此法門荅言善男子

過去有佛号無染著行如來應供正徧知明
行足善逝世間解無上士調御丈夫天人師
佛世尊尔時無染著行如來出興于世為哀
愍饒益一切衆生故向普賢城始至界上當
舉足時國土城邑六種震動下足之時丘墟
坑坎皆自夷平空中清明自然嚴淨尔時世
尊足蹈門闥即時大地復更震動凡磔墻壁
化成七寶散雜寶華列住空中羅覆宮城百
千萬億諸天樂器衆寶校飾懸在虛空不鼓
自鳴無量諸天各與宮殿列侍空中頂禮佛
足雨諸天華以供養佛佛入城時放金色光
猶如金山我於尔時生彼城中為長者妻亦

名婆須蜜多見佛色身相好光明神通具足
即開發我宿世善根我於今時與夫長者疾
詣佛所即脫所著無價寶珠以散佛上所散
寶珠悉住虛空接足作禮今時文殊師子童
子為佛侍者時文殊師利即告我言善女人
汝可速發無上道心我於今時始發菩薩無
上道心毘摩伽卷二婆須蜜多告善財言我惟得此四一億
無染離欲莊嚴無著法門諸大菩薩智慧方
便化度衆生大海深廣三昧法門大智慧力
不可壞伏境界我當云何能知能說彼功德
行善男子汝從此南行彼有大城名曰善寂
城中長者名曰不憍高貴德三彼大長者晝

夜六時恒常供養栴檀寶塔汝詣彼問云何
菩薩學菩薩行修菩薩道時善財童子頭面
敬禮彼女人足辭退南行漸漸遊步至彼大
城到長者所白言大聖我已先發阿耨多羅
三藐三菩提心而未知云何學菩薩行修菩
薩道長者荅言我惟成就不滅度實際菩薩
法門住此法門我今審知諸佛如來不般涅
槃不入滅度三世如來永不涅槃無涅槃相
除佛方便為度虛偽衆生故示現涅槃欲令
舍利廣流布故普令一切得入律行善男子
若人能知如來畢竟不般涅槃者是人能開
栴檀寶塔善男子汝今可往禮拜供養善財

童子即至塔所頭面敬禮開栴檀塔開塔戶
時念念相續得無盡佛性圓光明淨無盡三
昧法門善男子我心於刹那刹那須常入正
受於正受中得無量無數圓光明淨三昧於
念念頃入勝進地善財童子白言大聖此法
門者境界云何荅言善男子我入此三昧時
普入一切三昧道門三昧力故得見十方無
量諸佛迦葉如來應供正遍知十方無量各
恒河沙微塵數世界海同名迦葉如來等拘
那鎗牟尼佛及十方無量恒河沙微塵數世
界海同名拘那鎗牟尼佛等尸棄如來及十
方無量恒河沙微塵數世界海同名尸棄如

來等毗婆尸如來及十方無量恒河沙微塵
數世界海同名毗婆尸如來等提舍如來及
十方無量恒河沙微塵數世界海同名提舍
如來等弗沙如來及十方無量恒河沙微塵
數世界海同名弗沙如來等無上勝佛及十
方無量恒河沙微塵數世界海同名無上勝
佛等無上蓮華佛及十方無量恒河沙微塵
數世界海同名無上蓮華佛等如是無量諸
佛行行相次不相障礙一如來面白毫相中
映現一切十方無量一切諸佛十方一切無
量諸佛白毫相中映現一佛一切諸佛毛孔
光明更相映現亦復如是坐栴檀塔我於刹

釋

摩伽卷二五

佛宗

那頃皆悉覩見諸佛世尊心心相續間無空
缺亦於剎那頃得見閻浮提微塵數復見百
千萬億閻浮提微塵數乃至十方恒河沙不
可說不可說世界微塵數諸佛復過是數得
見無量無邊微塵數諸佛乃至復見不可說
微塵數世界海諸佛又見諸佛從初發心遊
戲神通無礙自在亦見一切大願清淨妙行
成就分別功德不二法門亦見滿願波羅蜜
清淨波羅蜜成就次第一切菩薩諸地得普
忍清淨遊戲神通長養善根降伏四魔成就
衆生嚴淨佛土成菩提道轉妙法輪放大光
明是諸大衆悉覩此相心心相續間無空缺

時高貴德王菩薩告善財言善男子汝今見此梅檀塔中無量淨明圓光明淨神通莊嚴諸如來不悉皆同入毗羅摩伽三昧神通法輪不二法門不諸佛如來以此明淨不二法門神通力故徧一切處轉妙法輪以明淨鏡身充滿法界尔時善財童子白言大聖我今已見一切諸佛神通遊戲清淨境界亦聞諸佛說法音聲了了分明不壞耳根受持不忘正念思惟不失句義次第分別為人演說示教利喜以智慧力分別諸佛法教教授衆生見弥勒等未來百佛千佛百千佛億萬佛阿閼婆頻婆羅阿僧祇佛於念念中刹那頃心

念明淨亦見未來恒河沙不可說不可說世
界微塵數等衆生發菩薩心修菩薩道行三
十七品具六波羅蜜遊戲神通教化衆生淨
佛國土取吉祥草坐菩提樹降伏四魔成等
正覺轉妙法輪放大光明示現涅槃乃至正
法像法劫數成壞心心相續皆悉明了如見
毘盧伽二卷
此境未來國土十方世界亦復如是亦見現
在毗盧遮那多陀阿伽度阿羅呵三藐三佛
陀等無量無數一切諸佛從初發心坐於道
場轉妙法輪示現涅槃正法像法劫數成壞
住世久近如此世界十方亦然十方三世一
切佛剎火劫起時於梅檀塔倍更明顯亦聞

十方三世諸佛已說今說當說以智慧力悉能受持一切世間聲聞緣覺及小菩薩所不能及善男子我惟知此不生不滅實際莊嚴平等菩薩法門諸大菩薩於一念頃悉知三世佛法本際平等於刹那頃莊嚴無量三昧境界海門住如實際無彼我相亦無二意住佛所住於一切劫而無劫想住歡喜法界清淨莊嚴三乘賢聖如實智慧平等無二不著世間及世間果一切三世如來印綬及受決法悉充法界常住不滅一切如來音聲充滿法界不可思議無量無邊不可具說我當云何能知能說彼功德行善男子於此南方有孤

絕山名金剛輪莊嚴高顯彼有菩薩名觀世
音住其山頂汝詣彼問云何菩薩學菩薩行
修菩薩道時善財童子頭面敬禮高貴德王
菩薩足已繞百千帀眷仰瞻察辭退南行介
時善財童子正念思惟彼長者教隨順菩薩
解說之藏正念菩薩諸憶念力承佛威神佛
本願力以三昧正受於念念中間無空缺常
念梅檀寶塔無量諸佛悲泣雨淚尋路而行
次第分別一切諸佛及諸佛法於一心中莊
嚴諸佛神通念定慧力為首長養菩提善根
思惟正念一切諸佛不思議業漸漸遊行到
彼孤山步步登陟念觀世音正念不捨遙見

經行在巖西阿虬虬皆有流泉華樹林池清
綠金華香草柔軟鮮潔皆從菩薩功德所生
至其山頂見觀世音坐於金剛八楞之座座
出光明嚴飾無比與無量菩薩眷屬圍繞而
為說法時觀世音身真金色手執大悲百寶
蓮華說大慈悲經勸發攝取一切衆生入於
普門蓮華示現法門伽二卷尔時善財童子既得見已七歡
喜踊躍不自勝持生希有心合掌諦觀目不
暫捨作如是念善知識者即是如來善知識
者即是佛道正因善知識者是法寶雲善知
識者是功德行藏善知識者十力妙寶善知
識者難見難值最勝無比難可測量善知識

者是十二頭陀正因之行善知識者是無盡
智藏善知識者生功德牙善知識者能開發
示導一切智門善知識者能令一切衆生得
入薩婆若海究竟清淨無上佛性菩提境界
如是讚歎善知識已漸漸親近時觀世音遙
見善財讚言善哉善哉善來童子專求大乘
攝取衆生救護一切衆生柔輒心正直心
深心樂求佛法心起大悲心向普賢行發一
切大願清淨之行成就一切大願莊嚴常樂
受持一切佛法寶雲心不虧減增長善根修
諸功德無有厭足順善知識不違其教從文
殊師利智慧大海成熟心行得佛勢力光明

三昧身心嚴淨無有垢穢永離懈怠終不退
轉常見諸佛心生歡喜遠絕衆惡修諸善行
成就智慧心無障礙淨如虛空速得對治離
苦法門住諸如來境界光明守護法城廣宣
法教尔時善財童子至觀世音菩薩所頭面
禮足繞百千匝合掌恭敬却住一面白言大
聖我已先發阿耨多羅三藐三菩提心而未
能知云何菩薩學菩薩行修菩薩道答言善
哉善哉善男子汝今已能發阿耨多羅三藐
三菩提心善男子我已成就毗羅摩伽三昧
大悲法門善男子此毗羅摩伽三昧大悲法
門是菩薩行一切菩薩功德智慧悉入其中

三昧力故不移此座普現一切清淨色身以
普現法門清淨光明之行於十方世界教化
成熟六趣衆生常於一切諸佛所隨所應化
普現其前或以布施攝諸慳貪或以持戒攝
諸毀禁或以忍辱攝諸恚惱或以精進攝諸
懈怠或以禪定攝諸亂心或以智慧攝諸愚
癡退 摩訶二卷八以六和敬善順衆生以四攝法攝取衆生照宗
放大光明網除滅衆生煩惱熱痛以方便波
羅蜜行布施愛語利益同事攝取衆生以一
切光明網微妙音聲普為十方一切衆生演
說一切聖解脫法成就一切諸波羅蜜隨諸
衆生應以諸佛菩薩聲聞緣覺形色威儀而

得度者皆為現身坐金剛座手執白華為說
毗羅摩伽菩薩本行大悲法門聖解脫法若
有衆生應以六趣形色威儀而得度者現六
趣身坐金剛座手執白華為說毗羅摩伽大
悲法門聖解脫法今彼衆生皆得悅樂以妙
色身變現自在示同類身普度一切隨其威
儀乃至同心攝取衆生善男子我常行此大
悲法門毗羅摩伽菩薩圓滿智慧光明三昧
我於往昔發清淨誓願滿足願故以此淨願果
力住此法門是故此三昧門名為大悲具菩
薩行毗羅摩伽三昧法門教化一切衆生為
諸衆生而作屋宅歸依覆護依止之處為諸

衆生作大橋梁作大洲渚為諸衆生作大炬
燭作大導師乃至究竟處為化衆生故發弘
誓願見聞我者皆得歡喜欲令一切五道衆
生遠離險難惡道恐怖熱惱恐怖愚癡恐怖
繫縛恐怖殺害恐怖貧窮恐怖不活恐怖諍
訟恐怖大衆恐怖死恐怖墮四惡道恐怖諸
趣恐怖不同意恐怖愛不受恐怖一切惡恐
怖逼迫身恐怖逼迫心恐怖愁憂恐怖懈怠
恐怖邪婬貪色恐怖生老病死憂悲苦惱所
求不得愛別離苦惡憎會苦為脫一切衆生
苦畏海故發大誓願住此淨慧光明法門復
次善男子出生現在正念救護三世一切衆

生怖畏正念法名字法輪法門為脫輪轉三界衆生故入論義法門住此法門故示現一切衆生等身種種方便隨其所應以是方便除其恐怖皆令發阿耨多羅三藐三菩提心得不退轉供養諸佛受持正法善男子我惟知此大悲清淨毗羅摩伽菩薩光明法門諸大菩薩一切皆具普賢菩薩清淨大願成滿摩伽三卷九究竟普賢之行不斷一切諸善根流不滅一切諸三昧流常修阿毗跋致行未曾斷絕善知世界成壞之相滅諸衆生不善根牙出生一切諸善根流滅諸衆生生死心流出生衆生善根心流我當云何能知能說彼功德行

尔時東方有一菩薩名無翼行寶華承足步
虛而來詣娑婆世界金剛輪山足蹈山時娑
婆世界六種震動變成衆寶以為莊嚴舉身
毛孔普放光明皆悉映蔽日月星辰梵釋四
王及一切天龍神夜叉捷闍婆阿脩羅迦樓
羅緊那羅摩睺羅伽人非人等火珠光明摩
尼珠光皆如聚墨又此光明普照地獄餓鬼
畜生閻羅王魃及諸幽闇消滅衆苦斷除煩
惱病苦怖畏皆得安隱普雨寶雨充滿佛刹
及雨一切供養之具以是等種種供具供養
如來隨諸衆生所應見身為其示現遍六趣
已到金剛輪山至觀世音所尔時觀世音菩

薩告善財言善男子汝見此座無異行菩薩
不答言大聖惟然已見時觀世音告善財言
汝詣彼問云何菩薩學菩薩行修菩薩道時
善財童子頭面敬禮觀世音足繞無數而觀
察無厭正念聖教深入智海却行辟退至無
異行所頭面敬禮右繞七匝已合掌而立
白言大聖我已先發阿耨多羅三藐三菩提
心而未知菩薩云何學菩薩行修菩薩道答
言善男子我已成就普現速行法門善財童
子白言大聖於何佛所得此法門所從來剎
去此幾何發來久如答言善男子此處難知
一切天人及阿脩羅人非人等所不能測惟

勤精進不退轉行親近善知識佛所護念乃
能得知若非具足宿善根力清淨直心具善
薩根開智慧眼多聞多知尚不得聞不能深
入賢聖智慧何況信解菩薩行處善財童子
白言大聖惟願為我說彼國土如來名号我
當承佛神力及善知識力信五根力成就神
通力而得信解摩訶般若經卷第十爾時無異行菩薩答善財言
我所來刹名首法藏佛号普賢首於彼佛所
得此普現速行法門從彼發來已經不可說
佛刹微塵等劫於一念中行不可說佛刹微
塵等步一一步過不可說佛刹微塵等世界
所經諸國佛皆現在以一切菩薩無盡供具

供養諸佛摩訶摩身所以者何以我得此無
著清淨法性生身如實相印三昧法門以是
功德能供養如來無著法身以一切諸菩薩
所希見事供養諸佛隨諸眾生宿世善根為
現色身而為說法放大光明普照十方應適
衆心隨其所須如意皆得成就法藏出微妙
聲演說正法饒益衆生以妙法身度脫衆生
乃至十方亦復如是善男子我惟知此菩薩
普門速行法門諸大菩薩普於十方無所不
至境界無量無能壞者清淨法身充滿法界
分別了知諸眾生道滿一切刹順一切法等
觀三世說平等法隨順世間不著佛道普至

無著無礙善說一切諸法實相本性空寂我
當云何能知能說彼功德行善男子於此南
方有城名波婆羅波提彼有一天名大天汝詣
彼問云何菩薩學菩薩行修菩薩道時善財
童子頭面敬禮無異行菩薩足繞無數而瞻
仰觀察辭退南行爾時善財童子正念思
菩薩毗羅摩伽無障礙行一向專求無異行
菩薩智慧境界所出光明智慧神通色身境
界一切功德莊嚴境界勇猛精進堅固歡喜
出生無量不可思議持行法門遊戲神通得
決定智深心悅樂徧體歡喜具諸功德諸三
昧地陀羅尼地諸大願地諸辯才地具諸力

地漸漸遊行至彼城門推問大天今在何所
時有人言善男子今在城內重閣堂上成就
微妙清淨色身大衆圍繞化現說法尔時善
財童子詣大天所頭面敬禮白言大聖我已
先發阿耨多羅三藐三菩提心而未知菩薩
云何學菩薩行修菩薩道是時大天即申四
臂取四海水安置四掌不令漏落自爲善財
童子澡面漱口取金蓮華以散善財而作是
言希有善男子甚奇甚特乃能遠來求善知
識善男子諸菩薩行難聞難見甚深微妙不
可思議勇猛精進形容微妙人中分陀利爲
衆生歸依覆護一切饒益衆生攝取不捨安

隱一切普照一切十方刹海顯現正道遠離
愚癡為大道導師護持正法將引衆生安隱無
患到於彼岸必定當至一切智城甚為希有
菩薩三業具足成就難淨能淨永離衆惡於
衆生類常以愛語隨其所應悉現其前未嘗
失機善男子我惟成就菩薩雲網光明法門
善財童子白言大聖此雲網光明法門境界
云何今時大天於善財前積天金聚猶如山
王積白銀聚積瑠璃聚積玻瓈聚積車渠聚
積碼碯聚積夜光聚積水精聚積金精聚積
開導衆生摩尼聚積紺髮摩尼聚積周羅摩
尼聚積水光摩尼聚積玫瑰聚積紫玫瑰聚

積日精珠聚積彌佉羅寶聚積雜色寶聚積
毗富羅寶聚積赤真珠羅網聚積梅檀摩尼
聚及積莊嚴支節一切身分諸纓絡聚猶如
須弥一切華一切香一切塗香一切末香一
切華鬘一切天衣一切寶蓋一切幢幡一切
樂器一切牀帳諸供養具五欲境界如是衆

寶積如須弥又復顯現阿僧祇百千萬億諸
童女衆語善財言善男子汝可取此一切衆
寶供養如來惠施一切攝取衆生悉令衆生
修檀波羅蜜學檀波羅蜜一切捨故以此捨
心教授一切普得修行今諸衆生能捨難捨
善男子我以此物教汝布施普教一切亦復

如是悉令衆生以無貪善根熏修身心普使
 衆生修佛菩薩行親近善知識供養恭敬尊
 重讚歎出生善根長養善根成就具足一切
 善根發阿耨多羅三藐三菩提心復次善男
 子若有衆生貪五欲者為彼示現不淨境界
 貪國土者為說無常為瞋恚怖畏憍慢放逸
 諍訟結恨如羅刹鬼殺生無度飲血噉肉如
 是等種種衆生悉為示現教彼衆生修大慈
 悲皆令永離瞋恚放逸若懈怠者為現水火
 盜賊惡王怨敵等難化以無常起諸善根善
 男子如是種種惡類衆生以方便慧滅除諸
 惡一切障礙智慧怨敵成就一切無礙波羅

蜜善男子我惟知此菩薩雲網光明法門諸
大菩薩滅除煩惱如忉利天王滅阿脩羅難
諸菩薩如水能滅衆生煩惱熾火諸菩薩如
火能燒衆生煩惱積薪諸菩薩如風吹散衆
生貪愛諸著壞滅一切染愛癡心諸菩薩如
金剛摧滅一切彼我有愛諸大菩薩成就如
是諸大功德我當云何能知能說彼菩薩行
善男子此閻浮提南有國名摩伽陀寂滅道
場善提樹下有神名安住汝詣彼問云何菩
薩學菩薩行修菩薩道時善財童子頭面敬
禮彼大天足尔乃辭退趣摩伽國詣寂滅道
場安住神所尔時十千地神各作是言此童

子來能救護一切衆生即是如來藏能破衆
生無明翳膜常生勝妙法王之家離垢無障
以無量天繒寶冠以冠其首有大智慧寶藏摧
伏外道異學諸論義師法輪王法教化衆生
余時安住地天一萬神等震動大地雨以香
水掃以香風一萬地天異口同音出微妙聲
徧滿三千大千世界放大光明普照三千大
千世界復有衆寶宮殿以爲莊嚴一切華樹
開敷鮮茂曲枝垂下一切果樹悉成果實亦
皆垂下一切香水泉源河池迴淵旋流更相
灌注演出種種娛樂音聲諸天衆寶莊嚴樓
閣騏驎師子香象白鹿鳳凰孔雀異類禽獸

各與眷屬賫持供具皆悉歡喜出哀和音無
量寶藏自然踊出四方風起猶如金輪吹衆
雜華散道場地天龍夜叉捷闍婆阿脩羅迦
樓羅緊那羅摩睺羅伽人非人等充滿林間
尔時安住地神告善財言善來善男子汝欲
自見往昔曾於此處所種善根福報果不是
時善財童子頭面敬禮安住天足繞無數帀
却住一面白言大聖唯然欲見尔時安住地
神即以足指按此大地無量阿僧祇那由他
摩尼寶藏開發顯現衆吉祥瓶自然涌出善
男子汝昔布施果報致此寶藏恣隨汝意以
用布施善男子我已成就菩薩不可壞智慧

藏法門我從然燈佛來獲大善根常住此地
次第護諸菩薩今得深入智慧境界盡其源
底大願成滿淨菩薩行出生一切三昧修一
切神通具足一切菩薩大方廣功德力具足
諸菩薩大威德力成就菩薩不可測智慧其
心堅固不可破壞放光明網遊諸佛刹聞諸
如來受記法輪一切如來所轉法輪一切脩
多羅雲以大法光明普化衆生受持諸佛自
在神力守護諸佛大法明力示教利喜我惟
知此菩薩不可破壞智慧法門善男子乃往
古世過須彌山微塵數劫有劫名光明淨世
界名月幢如來号善眼善男子我於光明淨
劫善眼佛所思惟得此法門修習長養淨此
法門增進高廣普演法門於其中間常得見

劫善眼佛所思惟得此法門修習長養淨此
法門增進高廣普演法門於其中間常得見
佛從光明劫乃至賢劫於其中間過不可說
不可說佛刹微塵等劫劫中諸佛我悉親近
具足供養如是諸佛往詣道場菩提樹下諸
莊嚴具我悉得見於一一佛所聽受修習得

此法門於諸佛所修習善根以此善根聞法
因緣得不可壞截智慧法門善男子我惟知
此菩薩不可壞截智慧法門諸大菩薩於一
切佛所親近供養諸佛說法悉聞受持隨佛
音聲為他演說念念相續得入佛心住佛秘
密得淨法身超出菩薩無明習翳出生一切

諸佛影藏善說句義憶持不忘普現諸色身
於身不二相諸菩薩行無量無邊我當云何
能知能說善男子此閻浮提有國名無惱城
名勝忍於彼城中有一夜天名波娑娑婆陀汝
詣彼問云何菩薩學菩薩行修菩薩道時善
財童子頭面敬禮安住神足繞無數而眷仰
辭退漸漸遊行詣夜天所

佛說羅摩伽經卷第二

上紙七千九百七十八字

